



Na osnovu člana 18. Statuta Općine Maglaj („Službene novine Općine Maglaj“, broj: 8/07, 3/08 i 6/08.), i člana 26. Odluke o javnim priznanjima («Službene novine Općine Maglaj», broj: 4/15) na prijedlog Komisije Općinskog vijeća za dodjelu javnih priznanja Općinsko vijeće Maglaj na sjednici održanoj dana \_\_\_\_\_2017.godine, d o n o s i

## **O D L U K U** **o dodjeli javnih priznanja Maglaj za 2017.godinu**

### **Član 1.**

Ovom Odlukom a u skladu sa Odlukom o javnim priznanjima Maglaja dodjeljuju se javna priznanja Maglaja za 2017.godinu.

### **Član 2.**

Javna priznanja dodjeljuju se slijedećim:

- |                              |   |
|------------------------------|---|
| a) <b>Grb Maglaja</b>        | - <b>Mješovita srednja škola Maglaj.</b>                              |
| b) <b>Zahvalnica Maglaja</b> | - <b>Košarkaški klub Maglaj.</b>                                      |
| c) <b>Maglajska lenta</b>    | - <b>Velijagić Kabil i Amira;</b><br>- <b>Prim. dr. Krzić Mehmed.</b> |

Pisana obrazloženja za predložene kandidate za javna priznanja nalaze se u prilogu ove Odluke i njen su sastavni dio.

### **Član 3.**

Javna priznanja iz člana 2. ove Odluke bit će uručena na svečanoj sjednici Općinskog vijeća u povodu Dana Maglaja – «18.septembra», a u skladu sa Odlukom Općinskog vijeća o javnim priznanjima Maglaja.

### **Član 4.**

O dodijeljenim javnim priznanjima vodi se jedinstvena evidencija u Službi Općinskog načelnika i vijeća.

### **Član 5.**

Ova Odluka stupa na osmog dana po objavljivanju u «Službenim novinama Općine Maglaj».

## O b r a z l o ž e n j e

„Grb Maglaja“ je javno priznanje koje se u jednoj kalendarskoj godini može dodijeliti kao 1 (jedna) pojedinačna i 1 (jedna) kolektivna nagrada, ukupno 2 (dva) „Grba“.

„Grb Maglaj“ se dodjeljuje građanima Maglaja i drugim licima koja rade i djeluju na području općine Maglaj, privrednim društvima, ustanovama, udruženjima građana i drugim pravnim subjektima za doprinos u oslobođenju i odbrani Maglaja i izuzetne zasluge i postignute rezultate u teorijskom i praktičnom radu na unapređenju nauke, privrede, obrazovanja, kulture, umjetnosti, sporta, zdravlja, socijalne brige i dječje zaštite, unapređenje i afirmaciju tolerancije, kulture dijaloga, zaštiti i afirmaciji ljudskih prava i sloboda garantovanih međunarodnim konvencijama, Ustavom i zakonima, kao i spašavanje ljudi, imovine, unapređenje demokratije i suživota.

„Grb Maglaja“ istom licu ili instituciji može se dodijeliti samo jedanput.

### **„Grb Maglaja“ Mješovita srednja škola Maglaj**

JU Mješovitu srednju škola Maglaj već 65 godina predano radi na odgoju i obrazovanju mladih općine Maglaj, pa i šire.

Dokazi tog predanog rada se mogu mjeriti kvantitativno, ali i kvalitativno, obzirom na veliki broj nagrada i priznanja, čime su na najbolji način afirmisali učenike, školu i općinu Maglaj.

Već dugi niz godina brine se o lokalnoj privredi kroz izobrazbu potrebno kadra.

Pored tog dijela, bezbroj puta se pokazala i kao društveno odgovorna škola koja je pomagala svoju lokalnu zajednicu shodno svojim mogućnosti i kapacitetima.

Njeni učenici i uposlenici su, ne mali broj puta, radili na uređenju općine Maglaj, pomagali Manifestacije lokalnog nivoa, organizirali i realizirali, po našem mišljenju i najbolju Manifestaciju Kviz «600» u povodu 600 godina Maglaja, organizirali i realizirali veliki broj humanitarnih akcija za potrebe naših sugrađana od kojih izdvajamo besplatno šišanje korisnika Javne kuhinje RO «Merhamet» Maglaj, te aktivnosti na organizaciji humanitarnog koncerta za potrebe opremanja pomenute kuhinje.

Vrhunac njenog djelovanja bila je «MIROVNA NAGRADA» koju je dobila od Mreže za izgradnju mira u Bosni i Hercegovini. Nagrada je tim veća što je kao takva prvi put dodijeljena jednoj školi u Bosni i Hercegovini.

Posebno ove školske godine MSS je postigla izuzetne rezultate u takmičenjima, najbolje do sada, koje organizuje Ministarstvo obrazovanja, nauku, kulturu i sport ZDK. Zbog toga i predlažemo priznanje za MSS, jer uspješno obavljaju osnovnu funkciju znanja i želimo da ovo bude podsticaj za dalji rad i što bolji napredak.

Nakon svega rečenog, ostaje nam samo da konstatujemo da općina Maglaj može biti itekako sretna što na svom području ima ovakvu školu, te da pomenuto treba cijeniti, poštovati, isticati i svakako DOSTOJANSTVENO nagraditi.

### **« Zahvalnica Maglaja“. Košarkaški klub Maglaj**

Košarkaški klub Maglaj broji oko 90 dječaka i djevojčica koji marljivo treniraju podijeljeni u grupama. Svaki dječak ili djevojčica koji krenu da se bave košarkom dobiju jaknu, trenetku, dres i majicu besplatno. KK Maglaj svake godine igra Ligu mladih ZDK i to sa čak nevjerovatnih 6 selekcija. U KK Maglaj rade školovani treneri i licencirani od strane Košarkaškog saveza BiH. KK Maglaj svake godine organizuje Košarkaški kamp na Vlašiću, Međunarodni turnir, odlazak van granica BiH sa svim selekcijama... Predpionirska selekcija je završila na drugom mjestu Lige mladih Ze-do kantona i tako se plasirali na završnici BiH.

KK Maglaj ove godine slavi velikih 58 godina košarke u Maglaju.

„Maglajska lenta“ dodjeljuje se pojedincima koji su kroz svoj životni vijek svojim radom i djelovanjem ostavili vidljiv i prepoznatljiv trag i postali prepoznatljivi građani lokalne zajednice.

**«Maglajska lenta»  
Velijagić Kabil i Amira**

Dugogodišnji prosvjetni radnici u maglajskim srednjim školama, a poseban pečat ostavili su radeći u maglajskoj gimnaziji. Učestvovali su u odgoju i obrazovanju brojnih generacija te će među svojim učenicima ostati upamćeni po nesebičnom zalaganju kao izvanredni predavači, dobri odgajatelji te čestiti i poštenu ljudi. Pored ovog posla prof. Kabil bio je i na rukovodećim pozicijama u školi, a prof. Amira radila je dugo kao direktorica maglajske biblioteke za potrebe općine radila i kao prevodilac sa francuskog jezika. Dali su veliki doprinos u kulturno-društvenom radu našeg grada. Iza profesora Kabila ostao je veliki broj časova historije održanih na brojnim manifestacijama i obilježavanju značajnih datuma, kako za naše sugrađane tako i za učenike.

**«Maglajska lenta»  
Prim. dr. Krzić Mehmed**

Dugogodišnji stručni rad i doprinos općini Maglaj u obavljanju poslova doktora specijaliste epidemiologa.

Doprinos u liječenju i suzbijanju zaraznih bolesti. Takođe se lično angažovao i dao svoj doprinos kao epidemiolog u naseljenom području maglajske općine u kojima se desio veliki povrat izbjeglica polovinom 1997.godine u prevenciji zaraznih oboljenja i sanacije okoline.

Veliki doprinos i angažman imenovanog kandidata u toku i poslije majskih poplava u 2014. godini, je rezultat nepostojanja i ne pojavljivanja bilo kakve zarazne bolesti uzrokovane prirodnim katastrofama iako je rizik od istih bio jako visok.

Kriteriji:

- „Plaketa Maglaja“ dodjeljuje se pojedinačnim poduzetnicima ili privrednim društvima koji žive/egzistiraju i djeluju u Maglaju, za vidljiv doprinos u privrednom napretku općine,
- privrednicima za posebno zalaganje u zapošljavanju mladih i obrazovanih kadrova,
- pojedincima u Bosni i Hercegovini koji su znatno doprinijeli privrednom razvoju i afirmaciji Maglaja.

***Za priznanje «Plaketa Maglaja» dostavljen je 1 prijedlog od strane JU Osnovna škola Novi Šeher. Predložili su Alena Čosića za «Plaketu Maglaja».***

Kriteriji:

- 1) „Plaketa Maglaja“ dodjeljuje se poduzetnicima i privrednim društvima za vidljiv doprinos u privrednom napretku općine Maglaj u protekloj godini.**

Imajući u vidu Kriterije za dodjelu ove vrste nagrade, Komisija nije mogla prihvatiti prijedlog JU OŠ «Novi Šeher» da se «Plaketa Maglaja» dodijeli Alenu Čosiću.

Nije bilo prijedloga za dodjelu priznanja «Počasni građanin «

OOSDA Maglaj predložili su JU Opća biblioteka Maglaj za nagradu «Grb Maglaja». Obzirom da je JU Opća biblioteka Maglaja dobila nagradu «Plaketa Maglaja» 2010.godine, Komisija je stava da je suvišno dodjeljivati nagradu ponovo istoj JU u ovako kratkom vremenskom periodu.

Spisak svih dostavljenih prijedloga za dodjelu javnih priznanja za 2016.godinu.


1. JU Gimnazija «Edhem Mulabdić» predložili su Zehra (Amira) i Kabil Velijagić – za priznanje «Maglajska lenta»;
2. JU «Dom zdravlja» - predložili su Prim.dr.Krzić Mehmed, specijalista epidemiolog - za priznanje « Maglajska lenta »;
3. OOSDA predložili su JU Opća biblioteka Maglaj za nagradu «Grb Maglaja» i gospođu Mensuru Smajić za nagradu «Maglajska lenta»;

4. Udruženje CŽR Maglaj - predložili su MSS Maglaj za nagradu «Grb Maglaja».
5. Košarkaški klub Maglaja – Košarkaški klub Maglaj za «Zahvalnicu»
6. Sportino Maglaj predložili su – Košarkaški klub Maglaj za priznanje: Zahvalnica Maglaja;
7. UG «Eko Maglaj» predložili su – Košarkaški klub Maglaj za priznanje: Zahvalnica Maglaja;
  
8. Društvo pedagoga predložili su – Košarkaški klub Maglaj za priznanje: Zahvalnica Maglaja;
9. Savez za sport i rekreaciju predložili su – Košarkaški klub Maglaj za priznanje: Zahvalnica Maglaja;
10. JU OŠ «Maglaj – predložili su JU OŠ «Maglaj» Maglaj - «Zahvalnicu Maglaja»;
11. Stranka penzionera Maglaj, predložili su Subhiju Sačak iz Žepča «Apotekarska privatna praksa» za nagradu «Zahvalnica» ili «Plaketa Maglaja»;
12. OŠ «Novi Šeher» Novi Šeher, predložili su Alena Ćosić za nagradu «Plaketa Maglaja»;

Služba Općinskog načelnika i  
Općinskog vijeća

Obradivač:

Nisveta Bašić, viši referent u Službi ON i OV.



Kontrolor:

Svjetlana Zamboni, predsjedavajuća OV.

